

Қазақстан Республикасы Үкіметінің кейбір шешімдеріне өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2014 жылғы 19 ақпандағы № 117 қаулысы. Күші жойылды - Қазақстан Республикасы Үкіметінің 2014 жылғы 10 қарашадағы № 1182 қаулысымен

Ескерту. Күші жойылды - ҚР Үкіметінің 2014.11.10 № 1182 (01.01.2017 ж. бастап қолданысқа енгізіледі) қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Қазақстан Республикасы Үкіметінің кейбір шешімдеріне енгізілетін өзгерістер мен толықтырулар бекітілсін.
2. Осы қаулы қол қойылған күнінен бастап қолданысқа енгізіледі.

Қазақстан Республикасының
Премьер-Министрі *С. Ахметов*

Қ а з а қ с т а н Р е с п у б л и к а с ы
Ү к і м е т і н і ң
2 0 1 4 ж ы л ғ ы 1 9 а қ п а н д а ғ ы
№ 1 1 7 қ а у л ы с ы м е н
бекітілген

Қазақстан Республикасы Үкіметінің кейбір шешімдеріне енгізілетін өзгерістер мен толықтырулар

1. «Дағдарыстан кейін қалпына келтіру (бәсекеге қабілетті кәсіпорындарды сауықтыру) бағдарламасын бекіту туралы» Қазақстан Республикасы Үкіметінің 2011 жылғы 4 наурыздағы № 225 қаулысында: көрсетілген қаулымен бекітілген Дағдарыстан кейін қалпына келтіру (бәсекеге қабілетті кәсіпорындарды сауықтыру) бағдарламасында: «Бағдарламаның паспорты» деген 1-бөлімде: «Нысаналы индикаторлары» деген жол мынадай редакцияда жазылсын: «Нысаналы индикаторлары 50 бәсекеге қабілетті кәсіпорынды сауықтыру; Бағдарламаға қатысушы кәсіпорындардың қолданыстағы жұмыс орындарының кемінде 70 пайызын сақтау.»; «Қаржыландыру көздері мен көлемдері» деген жол мынадай редакцияда ж а з ы л с ы н :

«Қаржыландыру көздері мен көлемдері

2011 – 2016 жылдарға арналған республикалық бюджет қаржыландыру көзі болып табылады, оның ішінде 2011 жылға – 8,756 млрд. теңге. Алдын ала бағалау бойынша: барлық әлеуетті қатысушылар Бағдарламаға қатысқан, барлық оңалту (сауықтыру) жоспарларының ең жоғары субсидиялау мерзімі (5 жыл) болған, барлық оңалту (сауықтыру) жоспарлары кредиттер бойынша сыйақы ставкаларын субсидиялауды талап еткен кездегі ең пессимистік сценарий бойынша шығыстар 145,404 млрд. теңгеге дейін құрауы мүмкін.

Осыларға жол беруді нақты бағалау осы шығыстарды 80 млрд. теңгеге дейін айтарлықтай қысқартуды болжамдауға мүмкіндік береді. Сондықтан 2012 – 2016 жылдарға арналған республикалық бюджеттен қаржыландыру сомалары жоспарлы кезеңге арналған тиісті бюджеттерді қалыптастыру кезінде нақтыланатын болады.»;

«Кіріспе» деген 2-бөлімде:

жетінші бөлік мынадай редакцияда жазылсын:

«Берешегі осы сомадан кем бәсекеге қабілетті кәсіпорындар Қазақстан Республикасы Үкіметінің 2010 жылғы 13 сәуірдегі № 301 қаулысымен бекітілген «Бизнестің жол картасы 2020» бағдарламасы (бұдан әрі – «Бизнестің жол картасы 2020» бағдарламасы) шеңберінде мемлекеттік қолдау көрсетуді пайдалана алады. «Бизнестің жол картасы 2020» бағдарламасы бойынша субсидиялау түрінде қолдау шараларын алып жатқан кәсіпорындар Бағдарламаның талаптарына сәйкес келген жағдайда оған қатыса алады. Бұл ретте, «Бизнестің жол картасы 2020» бағдарламасы немесе басқа мемлекеттік және бюджеттік бағдарламалар шеңберінде субсидияланатын кредиттерді (қарыздарды алуды) Бағдарлама шеңберінде субсидиялау үшін Бағдарлама бойынша субсидиялау шартын жасасқанға дейін осы бағдарламалар шеңберінде жасалған субсидиялау шарттарын бұзуы тиіс.»;

он тоғызыншы бөлік мынадай редакцияда жазылсын:

«Бұл ретте қаржы ұйымдарымен қаржыландыру туралы келісімдер 2012 жылғы 1 қаңтардан кешіктірілмей жасалуы тиіс және 2011 жылғы 1 қаңтарға (не 2013 жылғы 1 қаңтардан бастап 2013 жылғы 1 сәуірге дейінгі кезеңде Бағдарламаға қатысуға өтініш берген кәсіпорындар бойынша 2012 жылғы 1 қаңтарға) олар бойынша міндеттемелердің жалпы сомасы 4 500 000 000 (төрт миллиард бес жүз миллион) теңгені құрауы немесе асыруы тиіс (2012 жылғы 1 қаңтардан кешіктірмей туындаған бұрын қабылданған міндеттемелерді қайта қаржыландыру жағдайларын қоспағанда) және қайта құрылымдаусыз оларды болашақта орындау проблемалы болады деген негіздер болуы тиіс.»;

жиырма екінші бөліктің жиырма төртінші абзацы мынадай редакцияда жазылсын:

«қаржы ұйымдарына (облигация ұстаушы, қатысушы) кредиттер және/немесе лизингтік операциялар бойынша пайыздық ставканы, облигациялар бойынша купонды субсидиялау шеңберінде ақша қаражатын аудару;»;

«Бағдарламаның мақсаты, міндеттері, нысаналы индикаторлары және іске асыру нәтижелерінің көрсеткіштері» деген 4-бөлімде:

«Бағдарламаның нысаналы индикаторлары» деген кіші бөлім мынадай редакцияда жазылсын:

«50-ге жуық бәсекеге қабілетті кәсіпорынды сауықтыру; Бағдарламаға қатысушы кәсіпорындардың қолданыстағы жұмыс орындарының кемінде 70 пайызын сақтау.»;

«Міндеттері» деген кіші бөлім мынадай редакцияда жазылсын:

«1. Бағдарлама қатысушылардың борыштық жүктемесін азайту;
2. Мемлекеттік қолдау шараларын көрсету.»;

«Бағдарламаны іске асыру нәтижелерінің көрсеткіштері» деген кіші бөлімде:

1-тармақ мынадай редакцияда жазылсын:

«1. Мыналар Бағдарлама көрсеткіштері болып табылады:

1) Негізгі борышты өтеу:

2013 жылы Бағдарламаға қатысушылардың субсидияланатын кредиттері (қарыздары) бойынша негізгі борыштың төмендеуі орташа алғанда кемінде 4 % - д ы қ ұ р а й д ы ;

2014 жылы Бағдарламаға қатысушылардың субсидияланатын кредиттері (қарыздары) бойынша негізгі борыштың төмендеуі орташа алғанда кемінде 15 % - д ы қ ұ р а й д ы ;

2015 жылы Бағдарламаға қатысушылардың субсидияланатын кредиттері (қарыздары) бойынша негізгі борыштың төмендеуі орташа алғанда кемінде 30 % - д ы қ ұ р а й д ы ;

2016 жылы Бағдарламаға қатысушылардың субсидияланатын кредиттері (қарыздары) бойынша негізгі борыштың төмендеуі орташа алғанда кемінде 45 % - д ы қ ұ р а й д ы .

2) Бағдарламаға қатысушылардың жалпы санына сыйақының пайыздық ставкасын субсидиялауды қамтамасыз етуге қатысты Бағдарламаға қ а т ы с у ш ы л а р д ы ң ү л е с і :

2 0 1 3 жылы – 77 % ;

2 0 1 4 жылы – 95 % ;

2 0 1 5 жылы – 98 % ;

2 0 1 6 жылы – 98 % . » ;

4 - т а р м а қ т а :

төртінші және бесінші бөліктер мынадай редакцияда жазылсын:

«Кәсіпорын Кредиторлар комитетінің кәсіпорынның Бағдарламаға қатысуға

келісетіні туралы шешімінің және Сауықтыру жөніндегі кеңес шешімінің көшірмелерімен қоса кәсіпорынды банкрот деп тану туралы (оңалту рәсіміндегі кәсіпорын бойынша оңалту рәсімін тоқтату туралы өтініші) кредиторлардың талап арыз беруіне мораторийді көздейтін жеделдетілген оңалту рәсімін енгізу туралы арызды сотқа жібереді.

Кәсіпорынды банкрот деп тану туралы кредиторлардың талап арыз беруіне мораторийді көздейтін жеделдетілген оңалту рәсімін енгізу туралы сот шешімі (оңалту рәсіміндегі кәсіпорын бойынша оңалту рәсімін тоқтата тұру ұйғарым) алынып, ол Сауықтыру кеңесінің жұмыс органына ұсынылғаннан кейін ақшалай сипаттағы мемлекеттік қолдау шаралары Қазақстан Республикасының заңнамасына сәйкес тіркеледі және уәкілетті органның, Бағдарламаға қатысушының, меншік иесінің (меншік иелерінің), субсидиялау бойынша оператор мен кредиторлардың арасында жасалатын шарттарда өтеу кестелерін қоса бере отырып, ресімделеді.»;

жетінші бөлік мынадай редакцияда жазылсын:

«Кәсіпорынды банкрот деп тану туралы кредиторлардың талап арыз беруіне мораторийді көздейтін жеделдетілген оңалту рәсімін енгізу туралы сот шешімі (оңалту рәсіміндегі кәсіпорын бойынша оңалту рәсімін тоқтата тұру ұйғарым) ұсынылмаған жағдайда, кәсіпорын қатысушы деп танылған күннен бастап алты ай ішінде мемлекеттік қолдау шаралары қолданылмайды. Сауықтыру жөніндегі кеңес қатысушыны Бағдарламадан шығару туралы шешім қабылдайды. Сауықтыру жөніндегі кеңестің жұмыс органы немесе әлеуетті қатысушының кредиторлар комитеті консультант қызметінің құнын төлеуді бірлесіп қаржыландыруға бағытталған бюджет қаражатын өндіріп алу бойынша шаралар қабылдайды, сондай-ақ банкроттық рәсіміне бастамашылық ете алады.»;

тоғызыншы бөлік мынадай редакцияда жазылсын:

«Кәсіпорынды банкрот деп тану туралы кредиторлардың талап арыз беруіне мораторийді көздейтін жеделдетілген оңалту рәсімін енгізу туралы сот шешімі (оңалту рәсіміндегі кәсіпорын бойынша оңалту рәсімін тоқтата тұру ұйғарым) болмаған кезде, егер Бағдарламаның осы бөлімінің 5-тармағында көзделген түзетулер кәсіпорын Бағдарламаның қатысушысы деп танылғанға дейін қабылданбаған жағдайда, мемлекеттік қолдау шаралары қолданылмайды. Бұл ретте, жоғарыда көрсетілген түзетулер қабылданғаннан кейін қатысушы кәсіпорынды банкрот деп тану туралы кредиторлардың талап арыз беруіне мораторийді көздейтін жеделдетілген оңалту рәсімін енгізу туралы сотқа (оңалту рәсіміндегі қатысушы бойынша оңалту рәсімін тоқтата тұру туралы өтініш) арыз ж о л д а й д ы . » ;

он бірінші бөлік мынадай редакцияда жазылсын:

«Пайыздық ставканы субсидиялау тек қана кредиттер және/немесе лизингтік

операциялар, облигациялар купоны бойынша жүзеге асырылады. Бұл ретте, қаржыландыру туралы келісімдер 2012 жылғы 1 қаңтардан кешіктірілмей жасалуы тиіс және олар бойынша міндеттемелердің жалпы сомасы 2011 жылғы 1 қаңтардан кешіктірмей (не 2013 жылғы 1 қаңтардан бастап 2013 жылғы 1 сәуірге дейінгі кезеңде Бағдарламаға қатысуға өтініш берген кәсіпорындар бойынша 2012 жылғы 1 қаңтардағы жағдай бойынша) туындаған бұрын қабылданған міндеттемелерді қайта қаржыландыру жағдайларынан басқа, 2011 жылғы 1 қаңтарға 4 500 000 000 (төрт миллиард бес жүз миллион) теңгені құрауы немесе одан жоғары болуы тиіс (валюталар бағамы Бағдарлама іске асырылатын бүкіл кезеңге 2011 жылғы 1 қаңтардағы мән деңгейінде тіркеліп қалады).»;

«Бағдарламаны іске асыру кезеңдері» деген 5-бөлім мынадай редакцияда ж а з ы л с ы н :

«5. Бағдарламаны іске асыру кезеңдері Бағдарламаны іске асыру үш кезеңде жүзеге асырылады: Бірінші және екінші кезеңдер – 2011 - 2013 жылдар.

Бірінші кезең алдын ала іріктеу кезеңі болады.

Екінші кезең – оңалту (сауықтыру) жоспарларын қарау және Бағдарламаға қ а т ы с у ш ы л а р д ы і р і к т е у .

Ү ш і н ш і к е з е ң :

2011 – 2016 жылдар аралығы – мемлекеттік қолдау шараларын қолдану;

2013 жылдан бастап оңалту (сауықтыру) жоспарларының іске асыру мерзімінің соңына дейін – Бағдарлама қатысушыларының оңалту (сауықтыру) жоспарларының іске асырылу мониторингісі.»;

«Қажетті ресурстар мен оларды қаржыландыру көздері» деген 6-бөлім мынадай редакцияда ж а з ы л с ы н :

«6. Қажетті ресурстар мен оларды қаржыландыру көздері 2011 – 2016 жылдарға арналған республикалық бюджет қаржыландыру көзі болып табылады. Алдын ала бағалау бойынша:

барлық әлеуетті қатысушылар Бағдарламаға қатысқан, барлық оңалту (сауықтыру) жоспарларының ең жоғары субсидиялау мерзімі (5 ж ы л) б о л а д ы ;

барлық оңалту (сауықтыру) жоспарлары кредиттер бойынша сыйақы ставкаларын субсидиялауды талап еткен кездегі ең пессимистік сценарий бойынша шығыстар 145,404 млрд. теңгеге дейін құрауы мүмкін, оның ішінде:

1) сыйақы ставкаларын субсидиялау – 141,004 млрд. теңге;

2) оңалту (сауықтыру) жоспарларын әзірлеу бойынша консультанттардың көрсететін қызметтеріне ақы төлеуге бірлесе қаржыландыруға – 1,125 млрд.

т е ң г е ;

3) мониторинг бойынша консалтингтік компаниялардың көрсететін

қызметтеріне ақы төлеуге – 1,685 млрд. теңге.

Осыларға жол беруді нақты бағалау осы шығыстарды 80 млрд. теңгеге дейін айтарлықтай қысқартуды болжамдауға мүмкіндік береді. Сондықтан 2012 – 2016 жылдарға арналған республикалық бюджеттен қаржыландыру сомалары жоспарлы кезеңге арналған тиісті бюджеттерді қалыптастыру кезінде нақтыланатын болады.

Сауықтыру жөніндегі бюджеттік бағдарламаларды жоспарлауды, әкімшілендіруді уәкілетті орган жүзеге асыратын болады.»;
«Бағдарламаны іске асыру жөніндегі іс-шаралар жоспары» деген 7-бөлімде реттік нөмірі 16-жол мынадай редакцияда жазылсын:

«

16	Қатысушыларды оңалту (сауықтыру) жоспарларының іске асырылу мониторингі	Қаржымині Консалтингтік ұйымдар	Сауықтыру жөніндегі кеңеске ақпарат беру	Жыл сайын (екінші жылдан ба оңалту (сауықтыру) жоспарлар асыру аяқталғанға дейін
----	---	---------------------------------	--	--

».

2. «Сауықтыру жөніндегі кеңес құру туралы» Қазақстан Республикасы Үкіметінің 2011 жылғы 17 маусымдағы № 660 қаулысында: көрсетілген қаулымен бекітілген Сауықтыру жөніндегі кеңес туралы ережеде:

4 - тармақта :

4) тармақша мынадай редакция жазылсын:
« 4) мынадай :

Сауықтыру жөніндегі кеңесінің жұмыс органына кредиторлардың кәсіпорынды банкрот деп тану туралы талап арыз беруіне мораторий енгізуді көздейтін жеделдетілген оңалту рәсімін енгізу туралы (оңалту рәсіміндегі Бағдарлама қатысушына қатысты оңалту рәсімін тоқтата тұру туралы сот ұйғарымы) сот шешімі ұсынылмаған жағдайда;

Бағдарламаны іске асыру мониторингі барысында субсидиялау бөлігінде қатысушының өтеу кестесі бойынша кредит, лизингтік операциялар немесе облигациялар жөніндегі купон, оның ішінде сыйақы ставкасының субсидияланбайтын бөлігі бойынша күнтізбелік тоқсан күннен асатын мерзімі өткен төлемдерді төлемегені анықталған жағдайда, қатысушыларды Бағдарламадан шығару туралы шешім қабылдайды;».

3. «Дағдарыстан кейін қалпына келтіру бағдарламасы (бәсекеге қабілетті кәсіпорындарды сауықтыру) шеңберінде сыйақының пайыздық ставкасын субсидиялау қағидасын бекіту және «Дағдарыстан кейін қалпына келтіру бағдарламасын (бәсекеге қабілетті кәсіпорындарды сауықтыру) бекіту туралы» Қазақстан Республикасы Үкіметінің 2011 жылғы 4 наурыздағы № 225 қаулысына толықтырулар енгізу туралы» Қазақстан Республикасы Үкіметінің 2011 жылғы 8 қыркүйектегі № 1031 қаулысында (Қазақстан Республикасының ПҰАЖ-ы, 2011

ж . , № 53 , 755 - қ ұ ж а т) :

көрсетілген қаулымен бекітілген Дағдарыстан кейін қалпына келтіру бағдарламасы (бәсекеге қабілетті кәсіпорындарды сауықтыру) шеңберінде сыйақының пайыздық ставкасын субсидиялау қағидасында:

2 - т а р м а қ т а :

сегізінші, тоғызыншы және оныншы абзацтар мынадай редакцияда жазылсын

«субсидиялау жөніндегі оператор – Қазақстан Республикасының Үкіметі а й қ ы н д а ғ а н з а н д ы т ұ л ғ а , о ғ а н :

кредиттер және (немесе) лизингтік операциялар, облигациялар бойынша купонды субсидиялау шеңберінде қаржы ұйымдарына (облигация ұстаушыға, қатысушыға) а қ ш а қ а р а ж а т ы н а у д а р у ;

субсидиялау бөлігінде Бағдарламаның іске асырылуын мониторингілеу жөніндегі м і н д е т т е р жүктелген;».

3-тармақ мынадай редакцияда жазылсын:

«3. Пайыздық ставканы субсидиялау кредиттер және/немесе лизингтік операциялар, облигациялар купоны бойынша ғана жүзеге асырылады. Бұл ретте, қаржыландыру туралы келісімдер 2012 жылғы 1 қаңтардан кешіктірілмей жасалуы тиіс және 2011 жылғы 1 қаңтардағы қарыздардың олар бойынша міндеттемелердің жалпы сомасы (не 2013 жылғы 1 қаңтардан 2013 жылғы 1 сәуір мерзімі арасында Бағдарламаға қатысуға өтініш берген кәсіпорындар бойынша 2012 жылғы 1 қаңтардағы) 2012 жылғы 1 қаңтардан кешіктірмей туындаған бұрын қабылданған міндеттемелерді қайта қаржыландыру жағдайларынан басқа, 4 500 000 000 (төрт миллиард бес жүз миллион) теңгені құрауы немесе одан а р т ы қ б о л у ы т и і с . » ;

12, 13-тармақтар мынадай редакцияда жазылсын:

«12. Қатысушы кәсіпорынды банкрот деп тану туралы кредит берушілердің талап арыз беруіне мораторийді көздейтін жеделдетілген оңалту рәсімін енгізу туралы сот шешімін (оңалту рәсіміндегі қатысушыға қатысты оңалту рәсімін тоқтата тұру туралы сот ұйғарымы) алғаннан кейін субсидиялау жөніндегі операторға Сауықтыру жөніндегі кеңестің оңалту (сауықтыру) жоспарын мақұлдау туралы шешімінің, оңалту (сауықтыру) жоспарына сәйкес жүргізілген қайта құрылымдауды ескере отырып, қатысушының қарыз алуын өтеу кестелерінің негізінде жасалған өтеу кестелерін қоса алғанда, субсидиялау шартының жобасы көшірмелерін қоса бере отырып, осы Қағидаға 1-қосымшаға сәйкес нысан бойынша субсидиялауға өтінім береді. Өтеу кестесіндегі субсидиялау сомалары мемлекеттің тарапынан қолдау шаралары ретінде оңалту (сауықтыру) жоспарында көрсетілген сыйақының пайыздық ставкасын субсидиялау көлеміне негізделе отырып, есептеледі. Бұл ретте, әрбір қатысушыға

және кредиторға қатысты өтеу кестесінде көзделген субсидиялардың жалпы көлемі осы қатысушыға және кредиторға қатысты оңалту (сауықтыру) жоспарында көзделген субсидиялардың жалпы көлемінен аспауы тиіс.

Субсидиялауға арналған өтінімді Бағдарламада белгіленген жағдайларда кәсіпорынды банкрот деп тану туралы кредит берушілердің талап арыз беруіне мораторийді көздейтін жеделдетілген оңалту рәсімін енгізу туралы сот шешімін (оңалту рәсіміндегі қатысушыға қатысты оңалту рәсімін тоқтата тұру туралы сот ұйғарымы) ұсынбастан беруге болады.»

13. Қатысушы субсидиялауға өтінім берген күнінен бастап он жұмыс күні ішінде осы Қағидаға 2-қосымшаға сәйкес нысан бойынша оның негізінде субсидиялау жөніндегі оператор сыйақының пайыздық ставкасының субсидияланатын бөлігін, ал қатысушы – сыйақының пайыздық ставкасының субсидияланбайтын бөлігін төлейтін өтеу кестесін қоса бере отырып, субсидиялау шарты жасалады. Егер кредитор болып ислам банкі әрекет еткен жағдайда, субсидиялау шарты осы Қағидаға 2-1-қосымшаға сәйкес нысан бойынша жасалады. Субсидиялау шарты жасалған сәттен бастап есептелген сыйақы субсидиялауға жатады. Қаржы ұйымы субсидиялау шарты жасалған сәттен бастап бір күн ішінде облигациялар бойынша купонды субсидиялау, төлем көзінен ұсталатын салықтар бойынша міндеттемелер туындаған және қаржы ұйымдарында Қазақстан Республикасы заңды тұлғаларының шоттарын ашуға (енгізуге) құқықтылығы болмаған жағдайлардан басқа, субсидиялау жөніндегі оператордың арнайы ағымдағы шотын ашады.

Субсидиялау шартына қол қойылғаннан кейін оңалту (сауықтыру) жоспарына кейіннен Сауықтыру жөніндегі кеңесінде қараусыз және мақұлдаусыз кредиторлар комитетінің шешімімен бекітілетін субсидиялау шартының ажырамас бөлігі болып табылатын өтеу кестесіндегі іс жүзінде көрсетілген соманы есепке ала отырып, өзгерістер және (немесе) толықтырулар енгізіледі. Бұл ретте, кредиторлар мен меншік иелері тарапынан шаралар азайтылуға ж а т п а й д ы .

Өтеу кестесіне субсидиялау шартына қосымша келісім жасау жолымен өзгерістер мынадай :

1) оңалту (сауықтыру) жоспарына өзгерістер және (немесе) толықтырулар енгізілген ;

2) егер мемлекет тарапынан қолдау шаралары ұлғайтылмаған жағдайда, оңалту (сауықтыру) жоспарына өзгерістер және (немесе) толықтырулар енгізбей, кредит берушілер мен меншік иелері тарапынан қосымша қолдау шаралары көрсетілген жағдайда енгізілуі мүмкін.»;

16-тармақтың екінші бөлігі мынадай редакцияда жазылсын:
«Аталған тәртіп облигациялар бойынша купонды субсидиялауға, сондай-ақ

төлем көзінен ұсталынатын салық бойынша міндеттемелер пайда болған және қаржы ұйымдарында Қазақстан Республикасы заңды тұлғаларының шоттарын ашуға (енгізуге) құқықтылы болмаған жағдайларға қолданылмайды.»;

17 - тармақта :

мынадай мазмұндағы екінші бөлікпен толықтырылсын;

«Қаржы ұйымдарында Қазақстан Республикасы заңды тұлғаларының шоттарын ашуға (енгізуге) құқықтылығы болмаған жағдайда, субсидиялау жөніндегі оператор ақшалай қаражатты қатысушының ағымдағы шотына өтеу кестесіне сәйкес мерзімде және мөлшерде аударды.»;

екінші бөлік мынадай редакцияда жазылсын:

«Облигациялар бойынша купонды субсидиялау кезінде субсидиялау жөніндегі оператор сыйақының пайыздық ставкасының субсидияланбайтын бөлігін қатысушының төлеуі туралы облигация ұстаушыдан жазбаша хабарлама алған сәттен бастап бір жұмыс күні ішінде уәкілетті орган ақшалай қаражатты уақтылы аударған жағдайда өтеу кестесіне сәйкес облигацияларды ұстаушының ағымдағы шотына ақшалай қаражатты аударды.»;

20-тармақ мынадай мазмұндағы 4) тармақшамен толықтырылсын:

«4) қаржы ұйымдарында Қазақстан Республикасы заңды тұлғаларының шоттарын ашуға (енгізуге) құқықтылығы болмаған кезде – субсидиялау жөніндегі оператор қатысушы кредит, лизингтік операциялар, оның ішінде субсидияланбайтын бөлігі бойынша төлемді өтеу кестесінде көрсетілген мерзімде төлемегені туралы қаржы ұйымынан хабарламаны алған күні, бұл туралы уәкілетті органды хабардар етеді.»;

21-тармақтың бірінші бөлігі мынадай редакцияда жазылсын:

«21. Қатысушы кредит, лизингтік операциялар немесе облигациялар жөніндегі купон бойынша, оның ішінде сыйақы ставкасының субсидияланбайтын бөлігі бойынша мерзімі өтіп кеткен төлемдерді өтеу кестесіне сәйкес күнтізбелік тоқсан күн ішінде толық төлеген жағдайда, қаржы ұйымы немесе облигация ұстаушы мерзімі өткен төлемдерді толық төлеген күннен кейінгі күннен кешікпейтін мерзімде бұл туралы субсидиялау жөніндегі операторды жазбаша хабардар етеді. Кейіннен субсидиялау жөніндегі оператор қаржы ұйымының хабарламасын алған күннен кейінгі күннен кешікпейтін мерзімде бұл туралы уәкілетті органды хабардар етеді.»;

көрсетілген Қағидаға 2-қосымшада:

2.4-тармақ мынадай мазмұндағы 2-2) тармақшамен толықтырылсын:

«2-2) қаржы ұйымдарында Қазақстан Республикасы заңды тұлғаларының шоттарын ашуға (енгізуге) құқықтылығы болмаған жағдайда, қатысушының ағымдағы шотына сыйақы ставкасын субсидиялау үшін ақшалай қаражатты Министрліктен ақшалай қаражат уақтылы түскен кезде өтеу кестесіне сәйкес

а у д а р у ғ а ; » ;

2.6-тармақтың 11) тармақшасы алынып тасталсын;

2.8-тармақ мынадай мазмұндағы 1-2) тармақшамен толықтырылсын:

«1-2) қаржы ұйымдарында Қазақстан Республикасы заңды тұлғаларының шоттарын ашуға (енгізуге) құқықтылығы болмаған кезде өтеу кестесімен көзделген ақшалай қаражатты, оның ішінде Компаниядан алынған сыйақы ставкасын субсидиялауға арналған сомаларды қаржы ұйымына аударуға;»;

6.2-тармақ мынадай редакцияда жазылсын:

«6.2. Егер туындаған дауды келіссөздер жүргізу жолымен шешу мүмкін болмаса, ол дау мен оған қатысты өзге де мәселелер Қазақстан Республикасының заңнамасына сәйкес шешіледі және реттеледі. Егер туындаған дау тарапының бір жағынан халықаралық қаржы ұйымдары мен институттарын қоса алғанда, Қазақстан Республикасының резиденті емес болған жағдайда, онда осындай дау Халықаралық Төреліктің қарауына жіберілуі мүмкін. Халықаралық Төреліктің таңдауы тараптардың жазбаша келісімімен айқындалады. Резиденттер арасындағы дауды Қазақстан Республикасының соттары қарайды.»;

Ескертпе мынадай редакцияда жазылсын:

« Е с к е р т п е :

Субсидиулаудың мәні мен тәртібіне негізделе отырып, субсидиялау шарты оны жасау кезінде түзетуге жатады.»;

Сыйақының пайыздық ставкасын субсидиялау қағидасы мынадай мазмұндағы 2-1-қосымшамен толықтырылсын:

Дағдарыстан кейін қалпына келтіру бағдарламасы (бәсекеге қабілетті кәсіпорындарды сауықтыру) шеңберінде сыйақының пайыздық ставкасын субсидиялау қағидасына 2-1-қосымша

№ Субсидиялау шарты

Астана қаласы «__» _____ 20__ жыл

Бұдан әрі «Министрлік» деп аталатын Қазақстан Республикасы Қаржы министрлігі атынан «Қазақстан Республикасының Қаржы министрі, жауапты хатшысы және вице-министрлерінің арасында міндеттер мен өкілеттіктерді бөлу туралы» Қазақстан Республикасы Қаржы министрінің _____ жылғы «__» _____ № _____ бұйрығының негізінде, сондай-ақ Қазақстан Республикасы Үкіметінің 2008 жылғы 24 сәуірдегі № 387

қаулысымен бекітілген Қазақстан Республикасы Қаржы министрлігі туралы ережеге сәйкес әрекет ететін Қаржы вице-министрі _____ бір тараптан, сондай-ақ бұдан әрі «Компания» деп аталатын «Активтерді басқару және оналту компаниясы» акционерлік қоғамы атынан Жарғының негізінде әрекет ететін президент _____ екінші тараптан, бұдан әрі «Қаржы ұйымы» деп аталатын _____ атынан _____ негізінде әрекет ететін _____ үшінші тараптан, бұдан әрі «Меншік иесі» деп аталатын _____ атынан _____ негізінде әрекет ететін _____ төртінші тараптан және бұдан әрі «Қатысушы» деп аталатын _____ атынан _____ негізінде әрекет ететін _____ бесінші тараптан, бірлесіп «Тараптар», ал жекелеп алғанда «Тарап» деп аталатын, Сауықтыру кеңесінің 20__ жылғы «__» _____ шешімін орындау үшін және Қазақстан Республикасы Үкіметінің 2011 жылғы 4 наурыздағы № 225 қаулысымен бекітілген Дағдарыстан кейін қалпына келтіру бағдарламасына (бәсекеге қабілетті кәсіпорындарды сауықтыру) (бұдан әрі – Бағдарлама), Бағдарлама шеңберінде сыйақының пайыздық ставкасын субсидиялау қағидасына (бұдан әрі - Қағида) сәйкес төмендегілер туралы осы Субсидиялау шартын (бұдан әрі – Шарт) жасасты:

1. Шарттың мәні

1.1. Осы Шарттың ажырамас бөлігі болып табылатын өтеу кестесіне сәйкес қатысушының қаржы ұйымына қаржы шарттары бойынша үстеме баға ретінде төлейтін шығыстарды ішінара өтеуге арналған ақша қаражатын (бұдан әрі – үстеме бағаны субсидиялау) компанияның қаржы ұйымына төлеуді жүзеге асыруы.

2. Тараптардың құқықтары мен міндеттері

2.1. М и н и с т р л і к :

1) Тараптардан осы Шарттың талаптарын тиісінше орындауды талап е т у г е ;

2) Компаниядан ай сайын есепті айдан кейінгі айдың 15-күніне Бағдарламаның үстеме бағасын субсидиялау бөлігінде іске асырылуын мониторингілеу туралы ақпаратты талап етуге құқылы.

2.2. М и н и с т р л і к :

1) Компанияның Қағидаға 3-қосымшаға сәйкес нысан бойынша өтінімін алған күннен бастап екі жұмыс күні ішінде Компанияның

есеп-шотына өтінімде көрсетілген мөлшерде ақша қаражатын аударуға;

2) Қатысушының үстеме бағаның субсидияланбайтын бөлігінің төлеу мерзімі өткен бөлігін толық көлемде өтегені туралы Компания хабарлаған күннен бастап екі жұмыс күні ішінде Компанияның субсидиялар төлеуді жаңартатыны туралы жазбаша хабарлауға;

3) Сауықтыру кеңесі Қатысушыны Бағдарламадан шығару туралы шешім қабылдаған күннен бастап бір жұмыс күні ішінде Компанияға үстеме бағаны субсидиялауды тоқтату туралы жазбаша хабарлауға;

4) Қатысушы Бағдарламадан шығарылған жағдайда бес жұмыс күні ішінде Тараптарға осы Шартты бұзу туралы жазбаша хабарлама жіберуге;

5) осы Шарт талаптарының орындалуына әсерін тигізуі мүмкін барлық мән-жайлар туралы осы Шарттың Тараптарын уақтылы хабардар е т у г е ;

6) м ы н а д а й :

Сауықтыру кеңесінің шешімі бойынша Қатысушы Бағдарламадан шығарылған ;

Қатысушы қаржыландыру шарттары бойынша негізгі борышын толық (мерзімінен бұрын толық) өтеген жағдайларда субсидиялар төлеуді тоқтатуға м і н д е т т і .

2 . 3 . К о м п а н и я :

1) Тараптардан осы Шарттың талаптарын тиісінше орындауды талап е т у г е ;

2) Қатысушы мен қаржы ұйымынан өтеу кестесіне сәйкес үстеме бағаны төлеу жөніндегі қажетті құжаттар мен ақпаратты сұратуға қ ұ қ ы л ы .

2 . 4 . К о м п а н и я :

1) өтеу кестесіне сәйкес Қатысушының өтінімі негізінде үстеме бағаны субсидиялау үшін Компанияға ақша қаражатын аударуға Қағидаға 3-қосымшаға сәйкес нысан бойынша Министрлікке өтінім жіберуге;

2) уәкілетті орган ақша қаражатын уақтылы аударған жағдайда, Қатысушылардан өтінімдердің түсуіне қарай Компанияның арнаулы ағымдағы шотына үстеме бағаны субсидиялау үшін ақша қаражатын тоқсан сайын, алдағы тоқсандағы айдың бірінші күніне дейінгі мерзімде аванстық төлемдермен Қаржы ұйымына аударуға;

3) қаржыландыру шарттары бойынша үстеме бағаны субсидиялау кезінде төлем көзінен ұсталатын салық бойынша міндеттемелер туындаған жағдайда, Министрліктен ақша қаражаты уақтылы түскен жағдайда өтеу кестесіне сәйкес қатысушының ағымдағы шотына үстеме бағаны субсидиялау үшін ақша қаражатын аударуға;

4) қаржы ұйымынан қатысушының қаржыландыру шарттары бойынша төлемді, оның ішінде үстеме бағаның субсидияланбайтын бөлігін өтеу кестесінде көрсетілген мерзімде уақтылы төлемегені туралы хабарламаны алған күні үстеме бағаның субсидияланатын бөлігін қаржы ұйымына төлеуді тоқтата тұруға және Министрлікті хабардар етуге;

5) ай сайын, есепті айдан кейінгі айдың 15-күніне Министрлікке Бағдарламаны іске асыру шеңберінде пайыздық ставканы субсидиялау туралы ақпаратты осы Шартқа қосымшаға сәйкес нысан бойынша ұсынуға;

6) осы Шарт талаптарының орындалуына әсерін тигізуі мүмкін барлық мән-жайлар туралы осы Шарттың Тараптарын уақтылы хабардар е т у г е м і н д е т т і .

2 . 5 Қ а р ж ы ұ й ы м ы :

уәкілетті орган ақша қаражатын уақтылы аударған жағдайда, осы шарт шеңберінде үстеме бағаны субсидиялау үшін ақша қаражатының уақтылы аударылуын Компаниядан талап етуге құқылы.

2 . 6 Қ а р ж ы ұ й ы м ы :

1) осы шарт жасалған сәттен бастап келесі жұмыс күнінен кешіктірмей үстеме бағаны субсидиялауға арналған Компанияның арнаулы ағымдағы ш о т ы н а ш у ғ а ;

2) Компанияның ашылатын арнаулы ағымды шоты үшін (ашу, қызмет көрсету, енгізу) Компаниядан комиссиялар, алымдар және (немесе) басқа т ө л е м д е р а л м а у ғ а ;

3) өтеу кестесіне сәйкес үстеме бағаны субсидиялау үшін Компания аударатын ақша қаражатының нысаналы пайдалануын қамтамасыз е т у г е ;

4) үстеме бағаның субсидияланатын бөлігін өтеуге арналған Компанияның ақшалай қаражаты есебінен үстеме бағаның субсидияланбайтын бөлігін өтеуді жүргізбеуге;

5) үш жұмыс күн ішінде Қатысушылармен жасалған төлем кестелерімен бірге қаржыландыру шарттарының көшірмелерін беруге;

6) Қатысушы өтеу кестесіне сәйкес мерзімде және мөлшерде үстеме бағаның субсидияланбайтын бөлігін төлеген кезде, оның ішінде Қатысушы мерзімі өткен берешекті толық өтеген кезде, Компанияның арнаулы ағымдағы шотынан ақшалай қаражатты уақтылы есептен шығаруды қ а м т а м а с ы з е т у г е ;

7) Қатысушының өтеу кестесін орындағаны не бұзғаны туралы Компанияны өтеу кестесіне сәйкес төлем күнінен кейінгі күннен кешіктірмей жазбаша хабардар етуге;

8) Қатысушы қаржыландыру шарттары бойынша төлемді, оның ішінде

үстеме бағаның субсидияланбайтын бөлігін өтеу кестесінде көрсетілген мерзімде төлемеген жағдайда, Компанияның арнаулы ағымдағы шотынан субсидиялау үшін ақша қаражатын Қатысушы берешегін өтегенге дейін алмауға және өтеу кестесі бойынша төлем күнінен кейінгі күннен кешіктірмей Компанияны хабардар етуге;

9) ай сайын, есепті айдан кейінгі айдың 10-күніне қарай Компанияға есепті айға пайыздық ставканы субсидиялау туралы ақпаратты осы Шартқа қосымшаға сәйкес нысан бойынша ұсынуға;

10) өтеу кестесінің орындалуына байланысты барлық қажетті құжаттар мен ақпаратты осы Шарт Тараптарының талап етуі бойынша ұсынуға ;

11) Қаржы ұйымының заңды мекенжайы, пошталық және банктік деректемелері, сондай-ақ нақты мекенжайы өзгерген кезде осындай өзгерістер туралы тараптарға бес жұмыс күні ішінде жазбаша түрде хабарлауға міндетті. Хабардар етпеген және (немесе) уақтылы хабардар етпеген жағдайда, туындауы мүмкін салдарлар үшін Қаржы ұйымы жауапты болады ;

12) осы Шарт бойынша құқықтар мен міндеттерді осы Шарттың қолданылу мерзімі аяқталғанға дейін Тараптардың алдын-ала келісімінсіз үшінші тұлғаға бермеуге және қайта бермеуге;

13) осы Шарт талаптарының орындалуына әсер етуі мүмкін барлық мән-жайлар туралы осы Шарттың Тараптарын уақтылы хабардар етуге;

14) Қатысушыға оңалту (сауықтыру) жоспарында көзделген қолдау шараларын ұсынуға міндетті.

2.7. Меншік иесі :

1) Қатысушыға оңалту (сауықтыру) жоспарында көзделген қолдау шараларын ұсынуға ;

2) осы Шарттың талаптарын орындауға әсер етуге қабілетті барлық жағдайлар туралы осы Шарттың Тараптарына уақтылы хабарлауға;

3) осы Шарт Тараптарының талабы бойынша өтеу кестесін орындауға байланысты қажетті барлық құжаттар мен ақпаратты ұсынуға міндетті.

2.8. Қ а т ы с у ш ы :

Қаржы ұйымынан үстеме бағаны субсидиялау үшін Компанияның ақша қаражатының ағымдағы арнаулы шотынан ақша қаражатының шығарылуын қамтамасыз етуді талап етуге құқылы.

2.9. Қ а т ы с у ш ы :

1) қаржыландыру шарттары бойынша төлемдерді, оның ішінде үстеме бағаның субсидияланбайтын бөлігін өтеу кестесіне сәйкес уақтылы өтеуге ;

2) қаржыландыру шарттары бойынша үстеме бағаны субсидиялау кезінде төлем көзінен ұсталатын салықтар бойынша міндеттемелер туындаған жағдайда, қаржы ұйымына немесе облигацияларды ұстаушыға өтеу кестесінде көзделген ақшалай қаражатты, оның ішінде Компаниядан алынған, үстеме бағаны субсидиялауға арналған сомаларды аударуға. Ақшалай қаражат төлем көзінен ұсталатын салықтар шегеріліп, өтеу кестесіне сәйкес аударылады;

3) осы Шарт талаптарының орындалуына әсер етуі мүмкін барлық мән-жайлар туралы осы Шарттың Тараптарын уақтылы хабардар етуге;

4) өтеу кестесінің орындалуына байланысты барлық қажетті құжаттар мен ақпаратты осы Шарт Тараптарының талаптары бойынша ұсынуға;

5) Сауықтыру кеңесі Қатысушыны Бағдарламадан шығару туралы шешім қабылдаған жағдайда, үстеме бағаны субсидиялауға арналған оңалту (сауықтыру) жоспарын орындау шеңберінде тартылған ақшалай қаражатты республикалық бюджетке отыз күндік мерзімде қайтаруға;

б) қаржыландыру шарттары бойынша үстеме бағаны субсидиялау кезінде төлем көзінен ұсталатын салықтар бойынша міндеттемелер туындаған жағдайда, төлем көзінен ұсталатын салықтарды есептеу, ұстап қалу және аудару бойынша салық агенті болуға міндетті.

3. Шарттың қолданылу мерзімі

3.1. Осы Шарт 20__ жылғы «__» _____ бастап күшіне енеді және 20__ жылғы «__» _____ дейін қолданылады.

3.2. Осы Шартты Бағдарлама мен Қағидада көзделген жағдайларда біржақты тәртіппен Министрлік бұзуы мүмкін.

4. Тараптардың жауапкершілігі

4.1. Осы Шарт бойынша Тараптар осы Шарттан туындайтын міндеттемелерді орындамағаны және (немесе) тиісінше орындамағаны үшін осы Шартқа және Қазақстан Республикасының заңнамасына сәйкес жауапты болады.

5. Форс-мажор

5.1. Тараптар осы Шарт бойынша, егер орындаудың мүмкін болмауы форс-мажорлық жағдаяттар (еңсерілмейтін күш), яғни осы жағдайларда төтенше және шарасыз жағдаяттар (сұрапыл апат, әскери іс-қимылдар

және т.б.) салдарынан болса, өз міндеттемелерін орындамағаны не тиісінше орындамағаны үшін жауапкершіліктен босатылады.

5.2. Форс-мажорлық (еңсерілмейтін күш) жағдаяттар басталған кезде осы Шарт бойынша өз міндеттемелерін орындау мүмкін емес болған Тарап осындай жағдаяттар туралы басқа Тараптарды олар басталған сәттен бастап он жұмыс күні ішінде хабардар етуі тиіс. Бұл ретте, форс-мажор (еңсерілмейтін күш) жағдаяттарының сипаты, әрекет ету кезеңі, пайда болу фактісі уәкілетті мемлекеттік органдардың тиісті құжаттарымен расталуы тиіс.

5.3. Уақтылы хабардар етпеген жағдайда, Тарап хабардар етпегендіктен немесе уақтылы хабардар етпегендіктен келтірілген шығындарды басқа Тараптарға өтеуге міндетті.

5.4. Форс-мажор (еңсерілмейтін күш) жағдаяттарының басталуы осы Шарттың қолданылу мерзімі олардың әрекет ету кезеңіне ұзартуды т у ы н д а т а д ы .

5.5. Егер осындай жағдаяттар қатарынан үш ай бойы жалғасатын болса, онда кез-келген Тарап осы Шарт бойынша міндеттемелерін бұдан әрі орындаудан бас тартуға құқылы.

6. Дауларды шешу

6.1. Осы Шартты орындауға байланысты қандай да бір дау туындаған жағдайда, Тараптардың кез-келгені келіссөздер жүргізу жолымен барлық дауларды реттеу үшін шаралар қабылдайды.

6.2. Егер туындаған дауды келіссөздер жүргізу жолымен шешу мүмкін болмаса, ол дау мен оған қатысты өзге де мәселелер Қазақстан Республикасының заңнамасына сәйкес шешіледі және реттеледі.

7. Хат-хабарлар алмасу

7.1. Осы Шарт шеңберінде Тараптардың бір-біріне жіберетін кез келген хат-хабары жазбаша нысанда берілетін және осы Шартқа сәйкес қараудың ерекше тәртібі көзделген хат-хабарды қоспағанда, тапсырылғаны туралы белгімен Тараптар хат-хабарды алған сәттен бастап күнтізбелік 30 (отыз) күн ішінде қаралатын болады.

7.2. Хат-хабар тиісті түрде ресімделген кезде (хат-хабар егер ол бланкте ұсынылған және мөрмен бекітілген, оған басшы қол қойған кезде және тіркеу нөмірі, күні болса, сондай-ақ орындаушысы көрсетілсе, тиісінше ресімделген болып есептеледі), жеке қолға тапсырылса, пошта немесе қатысушы Тараптың мекенжайы бойынша курьер

байланысы арқылы жеткізілсе, тиісінше ұсынылған және жіберілген болып е с е п т е л е д і .

7.3. Осы Шарттың қолданылуы барысында Тараптардың жауапты тұлғалары екінші Тарапқа факсимильді байланыс және/немесе электрондық пошта арқылы ақпараттық мазмұндағы хат-хабарды жіберуі мүмкін.

Бұл ретте жіберуші Тарап екінші Тарапқа хат-хабарды жібергенін растауға міндетті. Растама факсимильді байланыспен қабылдап алу туралы қабылдаушы тараптың белгісі бар барлық хат-хабардың мәтінін қоса беру жолымен жіберілген не ойдағыдай аяқталғаны туралы факсимильді аппараттың үзіндісі болған кезде тиісті түрде жүзеге асырылған болып есептеледі.

8. Құпиялық

8.1. Осы арқылы Тараптар осы Шарттың талаптарына қатысты ақпарат, банктік құпия, сондай-ақ осы Шарттың жасалуы мен орындалуы барысында өздері алған қаржылық, коммерциялық және өзге де ақпарат құпия болып табылатындығына келіседі және осы Шарт пен Қазақстан Республикасының қолданыстағы заңнамасында тікелей көзделген жағдайларды қоспағанда үшінші тұлғаларға жария етілмейді.

8.2. Тараптар осы Шарттың құпиялығы мен талаптарын сақтау үшін барлық қажетті, оның ішінде құқықтық сипаттағы шараларды қабылдайды.

8.3. Тараптардың кез келгені осы Шарттың талаптарын бұза отырып құпия ақпаратты таратқан немесе жариялаған жағдайда, осындай ақпаратты тарату салдарынан екінші Тарап тартуы мүмкін залалды өтей отырып, кінәлі Тарап Қазақстан Республикасының заңнамасында көзделген жауапкершілікте болады.

9. Қорытынды ережелер

9.1. Компания мен Қаржы ұйымы Бағдарлама мен осы Шарт шеңберінде комиссиялар, алымдар және (немесе) өзге де төлемдер а л м а й д ы .

9.2. Тараптардың құқықтық мәртебесі өзгерген жағдайда, осы Шарт бойынша және осы Шарттың орындалуы үшін барлық құқықтар мен міндеттер, оның ішінде даулар мен келіспеушіліктерді реттеуге байланысты туындаған құқықтар мен міндеттер Тараптардың құқықтық м и р а с қ о р л а р ы н а а у ы с а д ы .

9.3. Егер төлем күні жұмыс емес немесе мереке күндеріне келген жағдайда, төлем одан кейінгі жұмыс күні жүргізіледі.

9.4. Осы Шарт, осы Шарттың ажырамас бөлігі болып табылатын қосымшасымен бірге осы Шарттың мәніне байланысты Тараптардың толық өзара түсіністігін білдіреді.

9.5. Осы Шарт Тараптардың әрқайсысы үшін бірдей заңды күші бар _____ (_____) ұқсас данада мемлекеттік және орыс тілдерінде _____ (_____) данадан жасалды. Осы Шарттың мемлекеттік және орыс тілдеріндегі мәтіндері арасында әр түрлі оқу туындаған жағдайда, осы Шарттың мемлекеттік тілдегі нұсқасына басымдық беріледі.

9.6. Осы Шартта көзделмеген барлық өзге жағдайларда Тараптар Қазақстан Республикасының қолданыстағы заңнамасын басшылыққа алады.

10. Тараптардың заңды мекенжайлары, банктік деректемелері және қолдары

Министрлік:	Компания:	Қаржы ұйымы:	Меншік иесі:	Қатысушы:

С у б с и д и я л а у
қосымша

ш а р т ы н а

Дағдарыстан кейін қалпына келтіру бағдарламасын (бәсекеге қабілетті кәсіпорындарды сауықтыру) іске асыру шеңберінде 20__ жылғы _____ пайыздық ставканы субсидиялау туралы ақпарат

R/с №	Қатысушының атауы	Субсидиялау шартының нөмірі және жасалған күні	Сыйақы ставкасы (%) (5-бағ. + 6 бағ.)	Субсидияланатын сыйақы ставкасы (%)	Субсидияланбайтын сыйақы ставкасы (%)	Есепті айдың соңына негізгі берешек қалдығы /есепті айдың соңына орналастырылған облигациялардың номиналдық құны	Есепті ай өтетін не борыш со есепті айда алынатын облигациялардың номиналдық құны
1	2	3	4	5	6	7	8
	Жиыны						

кестенің жалғасы

Есепті айда Қатысушы іс жүзінде аударған сома	Есепті айға сыйақының субсидияланбаған ставкасының сомасы (тг)	Есепті айға сыйақының субсидияланған ставкасының сомасы (тг)	Есепті айға Субсидиялау жөніндегі оператордың іс жүзінде аударған субсидия сомасы (тг)	Есепті а сыйақының жүзінде субсидиял сомасы (тг)

Негізгі борышты төлеу/ Сатып алынған облигациялардың номиналдық құны (тг)	Сыйақының субсидияланбаған ставкасын төлеу (тг)				
9	10	11	12	13	14

Басшы _____
 М.О. (Т.А.Ә.) (қолы)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК